

# Powšitkowne WOZJEWJENJA

njedźelu, 9. apryla 2017

## **Přiležnosć k swjatej spowědži w Róžeńce**

**póndźelu, 10. apryla** farar M. Anders, farar D. Dzikiewicz,  
18.30 - 19.30 hodź. kapłan G. Malinowski, farar J. Magiera

**wutoru, 11. apryla** farar M. Anders, farar M. Nawka,  
18.30 - 19.30 hodź. farar G. Warnar, farar St. Börner

## **Křižowy puć młodźiny a póstny wopor**

Bołmončku, njedźelu, 9. apryla, chcemy so w Njebjelčicach křižowy puć modlić. Zetkamy so w 14 hodź. w cyrkwi. Přeprošujemy wšitkich młodostnych, křižowy puć sobu kročić. Kóžda wosadna młodźina njech přinjese prošu swoju dekanatnu młodźinsku chorhoj sobu. Zdobom móžeće na tutym dnju swój póstny wopor za projekt w Indiskej wotedać.

*Farar Gabriš Nawka, Lucija a deka-kružk*

## **Zhromadny dzeń za 1. a 2. lětnik**

Pod hesłom „Jězus z mrtwych stanył je, haleluja!“ přeprošuje dekanatne dušepastyrstwo džěci 1. a 2. lětnika štwórtk, 20. apryla, wot 9 do 15 hodź. do Don Boskoweho domu we Worklecach. Zajimcy njech so prošu hač do wutory, 11. apryla, pod telefonowym čisłom (03 57 96) 8 87 07 we Worklecach přizjewja. Za wudawki dnja zběra so wot kóždeho wobdźělnika přinošk, kotryž wučinja 4 eura.

## **W lětnich prózdninach do Sakskeje Šwicy**

Dekanatne dušepastyrstwo přeprošuje šulerki a šulerjow wot 6. do 8. lětnika wot 17. do 20. julija na zhromadne dny w Rosenthalu-Bielatalu. Nadrobniše informacije nańdžeće na wupowěsnjenych plakatach w serbskich wosadach kaž tež pod [www.posol.de](http://www.posol.de).

## **Zamyslenje we wopomnišću**

Na „Wulkopjatkowne zamyslenje“ přeprošuje Smochčanski Dom biskopa Bena wulki pjatk, 14. apryla, w 10 hodź. do Budyskeho wopomnišća na Weigangowej. Spominać budže so na horjo woporow diktaturow 20. lěstotka.

## **Časowy přehlad křižerskich procesionow**

Přehlad časow křižerskich procesionow kaž tež čara, po kotrejž na tampuću a dompuću pojedhaja, je na internetowej stronje [www.posol.de](http://www.posol.de) pod „Časy křižerskich procesionow“ podaty. Přehlad je serbsce a němsce zestajany.

## **Beneficny nyšpor w Chrósćicach**

Na dobro dawno trěbneje techniskeje reparatury našich pišćelow wuhotujemy njedźelu po jutrach, 23. apryla, w 14 hodź. w našej farskej cyrkwi w Chrósćicach beneficny nyšpor. Pišćelotwarska firma Eule w Budyšinje je nětk rozrisanje wuwila, z kotrymž móže so defekt wuspěšnje wotstronić. Kóšty pak móžnosće wosady přesahuja. Prosimy tohodla šěroko zjawnosć wo pomoc Jako wosada wuhotujemy młodojutrowny nyšpor z dujerjemi,

spěwarjami a dalšimi instrumentalistami. Wjeselimy so na bohaty wopyt a nadźijamy so šćedriwych darow w zběrce. Štóz chce swój dar njehladajo na to přepokazać, njech wu-žije wosadne konto Pfarrei HI Ap Simon und Juda, IBAN: DE1475 090 30 000 0829 8998 a poda hesło „Orgel“. Štóz trjeba darowansku kwitowanku, njech poda swoje předmjeno a mjeno kaž tež swoju adresu.

*Farar Měrcin Deleńk*

## **Hłowna zhromadźizna Towarstwa Cyrila a Metoda**

Předsydstwo Towarstwa Cyrila a Metoda z.t. (TCM) přeprošuje wšitkich člonow towarstwa, člonow sekcijow a korporacijow kaž tež zajimowanych hosći na swoju hłownu wólbnu zhromadźiznu póndželu, 24. apryla, do Kulowa. Započnjemy we 18.00 hodź. z Božej mšu w cyrkwi, kotruž wuhotuje chór Bratrowstwa. Přizamknje so zhromadźizna na Bosćanowej žurli. Sćehowacy dnjowy porjad je předwidžany:

1. zahajenje
2. wólba nawody zhromadźizny
3. rozprawy předsydstwa, nawodow korporacijow a sekcijow
4. financna rozprawa TCM a Katolskeho Posoła
5. rozprawa rewizijneje komisije
6. diskusija a schwalenje rozprawow
7. přiwrzaće noweje sekcije „Chróšćanske pasionske zjednoćenstwo“
8. diskusija k namjetej noweho pomnika zbóžneho Alojsa Andrickeho
9. diskusija
10. zakónčenje / modlitwa

*Jurij Špitank, předsyda TCM*

Do a po hłownej zhromadźiznje změja člonojo składnosć, swój lětni přinošk we wysokosći pjeć eurow zapłaćić.